

U skladu sa Statutom Međunarodnog foruma Bosna, članovi od 10. do 13. te član 47., i Pravilnikom o formiranju Fonda solidarnosti Međunarodnog foruma Bosna, usvojenim 31. decembra 2019. godine na 76. sjednici Upravnog odbora, Upravni odbor Međunarodnog foruma Bosna na svojoj 77. sjednici, održanoj 30. januara 2020. godine, donosi

Odluku o članstvu i članarini, pokroviteljstvu i pokroviteljima te doniranju i donatorima:

A. OPĆENITO

1. Članovi Međunarodnog foruma Bosna su, u skladu sa Statutom Međunarodnog foruma Bosna i Zakonom o udruženjima i fondacijama Bosne i Hercegovine, fizička i pravna lica, državljani Bosne i Hercegovine, te stranci koji ispune sljedeće uvjete:
 - a) pismeno potvrde pristupanje;
 - b) plaćaju članarinu;
 - c) da članstvo potvrdi Predsjednik, odnosno Upravni odbor.
2. Članovi, i fizička i pravna lica, mogu biti pokrovitelji i donatori finansijskih i drugih sredstava koja služe realiziranju planova i razvoju Međunarodnog foruma Bosna.
3. Fizička i pravna lica, sa statusom članova, pokrovitelja i donatora Međunarodnog foruma Bosna, razvrstana su u kategorije ovisno o njihovim finansijskim i drugim doprinosima radu i razvoju Međunarodnog foruma Bosna.

B. ČLANSTVO I ČLANARINA FIZIČKIH LICA

4. Članstvo i članarina fizičkih lica Međunarodnog foruma Bosna razvrstani su u sljedeće kategorije:
 - članovi prve kategorije (bronzani status) plaćaju od 10 do 30 KM mjesečno;
 - članovi druge kategorije (srebreni status) plaćaju od 31 do 61 KM mjesečno;
 - članovi treće kategorije (zlatni status) plaćaju od 62 KM i više mjesečno.
5. Članovi prve kategorije (bronzani status) imaju, pored općih prava određenih Statutom Međunarodnog foruma Bosna, i prava da budu redovito obavještavani o svim aktivnostima Međunarodnog foruma Bosna i da im prisustvuju. Uz to, članovi ove kategorije imaju pravo da besplatno dobiju časopis *Forum Bosnae*.
6. Članovi druge kategorije (srebreni status) imaju, pored općih prava određenih Statutom Međunarodnog foruma Bosna, i pravo da budu redovito obavještavani o svim aktivnostima Međunarodnog foruma Bosna, da im prisustvuju i, uz to, da izdanja Međunarodnog foruma Bosna mogu dobiti besplatno. Uz to, članovi ove kategorije imaju pravo pristup bazama podataka i biblioteci Međunarodnog foruma Bosna.
7. Članovi treće kategorije (zlatni status) imaju, pored općih prava određenih Statutom Međunarodnog foruma Bosna, i pravo da budu redovito obavještavani o svim aktivnostima Međunarodnog foruma Bosna, da im prisustvuju i, uz to, da besplatno dobiju sva izdanja Međunarodnog foruma Bosna te slobodno koriste baze podataka i biblioteku Međunarodnog foruma Bosna i, u skladu s propisima i mogućnostima, koriste prostorije Međunarodnog foruma Bosna.

C. ČLANSTVO I ČLANARINA PRAVNIH LICA

8. Članstvo i članarina pravnih lica Međunarodnog foruma Bosna razvrstani su u sljedeće kategorije:
- članovi prve kategorije (bronzani status) plaćaju od 300 do 500 KM godišnje;
 - članovi druge kategorije (srebrni status) plaćaju od 501 do 1000 KM godišnje;
 - članovi treće kategorije (zlatni status) plaćaju od 1001 KM i više godišnje.
9. Pravna lica, članovi prve kategorije (bronzani status) imaju, pored općih prava određenih Statutom Međunarodnog foruma Bosna, i prava da budu redovito obavještavani o svim aktivnostima Međunarodnog foruma Bosna i da im prisustvuju; da jednom godišnje svoju djelatnost predstave na web stranici Međunarodnog foruma Bosna i u časopisu *Forum Bosna*; te da besplatno dobijaju izdanja *Forum Bosnae*. Uz to, članovi ove kategorije mogu preko tematskih centara Međunarodnog foruma Bosna predlagati i organizirati javne rasprave, kolokvije i seminare u funkciji svojih razvojnih ciljeva.
10. Pravna lica, članovi druge kategorije (srebrni status) imaju, pored općih prava određenih Statutom Međunarodnog foruma Bosna, i prava da budu redovito obavještavani o svim aktivnostima Međunarodnog foruma Bosna i da im prisustvuju; da dva puta godišnje svoju djelatnost predstave na web stranici Međunarodnog foruma Bosna i u časopisu *Forum Bosna*; te da besplatno dobijaju izdanja *Forum Bosnae*. Uz to, članovi ove kategorije imaju pravo pristupa bazama podataka i biblioteci Međunarodnog foruma Bosna te mogu preko tematskih centara Međunarodnog foruma Bosna predlagati i organizirati javne rasprave, kolokvije i seminare u funkciji svojih razvojnih ciljeva.
11. Pravna lica, članovi treće kategorije (zlatni status) imaju, pored općih prava određenih Statutom Međunarodnog foruma Bosna, i prava da budu redovito obavještavani o svim aktivnostima Međunarodnog foruma Bosna i da im prisustvuju; da četiri puta godišnje svoju djelatnost predstave na web stranici Međunarodnog foruma Bosna i u časopisu *Forum Bosna*; te da besplatno primaju izdanja Međunarodnog foruma Bosna. Uz to, članovi ove kategorije imaju pravo pristupa bazama podataka i biblioteci Međunarodnog foruma Bosna; mogu koristiti prostorije u sjedištu i kućama HIDR 1 i 2, u skladu s mogućnostima i propisima, za organiziranje svojih aktivnosti; i mogu u saradnji s predsjednicima tematskih centara organizirati javne rasprave, kolokvije, seminare i konferencije u funkciji svojih razvojnih ciljeva.

D. POKROVITELJSTVA I POKROVITELJI

12. Fizička i pravna lica mogu biti pokrovitelji Međunarodnog foruma Bosna. Tri su kategorije pokrovitelja:
- pokrovitelj prve kategorije (bronzani status) koji doprinese iznos od 2.000 do 3.000 KM godišnje;
 - pokrovitelj druge kategorije (srebrni status) koji doprinese iznos od 3.000 do 4.000 KM godišnje;

- pokrovitelj treće kategorije (zlatni status) koji doprinese iznos od 4.000 KM i više godišnje.
13. Pokrovitelji mogu imati, ako to zahtijevaju, sva prava kao i članovi, fizička i pravna lica, treće kategorije.
14. Pokrovitelji mogu odrediti namjenu danih sredstava za određene tematske centre ili programe Međunarodnog foruma Bosna.
15. Ako pokrovitelj zahtijeva, njegovo ime, firma ili logo mogu biti uključeni u dokumente kojima Međunarodni forum Bosna predstavlja svoje programe u zemlji i svijetu.

E. DONIRANJE I DONATORI

16. Fizička i pravna lica mogu biti donatori Međunarodnog foruma Bosna. Tri su kategorije donatora:
- donator prve kategorije (bronzani status) koji doprinese iznos od 2.000 do 3.000 KM godišnje;
 - donator druge kategorije (srebrni status) koji doprinese iznos od 3.000 do 4.000 KM godišnje;
 - donator treće kategorije (zlatni status) koji doprinese iznos od 4.000 KM i više godišnje.
17. Donatori mogu odrediti namjenu danih sredstava za određene tematske centre ili programe Međunarodnog foruma Bosna.
18. Ako donator zahtijeva, njegovo ime, firma ili logo mogu biti uključeni u dokumente kojima Međunarodni forum Bosna predstavlja svoje programe u zemlji i svijetu.

F. ZAVRŠEN ODREDBE

19. Članarine, pokroviteljstva i donacije mogu biti plaćani odjednom za godinu, za pola godine, za tri mjeseca ili za mjesec.
20. Sva financijska sredstva, skupljena na temelju članarina, pokroviteljstva i donacija, bit će korištena isključivo za realiziranje programa Međunarodnog foruma Bosna te održavanje i razvoj organizacijske strukture.
21. Ova odluka stupa na snagu danom donošenja.

Predsjednik Međunarodnog foruma Bosna
Rusmir Mahmutćehajić